



N 21/4466
16/08/2022

4466-21-2-202208161209



შპს „ჭიათურმანგანუმ ჯორჯიას“

მის: თერჯოლის რაიონი, სოფ. ნახშირღელე

ელექტრონული ფოსტა: info@chmg.com.ge

სსიპ გარემოს ეროვნულმა სააგენტომ განიხილა თქვენი 2022 წლის 8 აგვისტოს N 3853 განცხადება, რომელიც ეხება ფეროშენადნობთა საწარმოს ექსპლუატაციის პირობების ცვლილებისა (წარმადობის გაზრდა) და 110 კვ ძაბვის ელექტროგადამცემი ხაზი „ნახშირღელეს“ გაყვანის სკოპინგის ანგარიშს და გაცნობებთ, რომ წარმოდგენილ დოკუმენტაციაში დაზუსტებას საჭიროებს საქმიანობასთან დაკავშირებული შემდეგი საკითხები:

- სკოპინგის ანგარიშიდან დგინდება, რომ ახალი ტექნოლოგიური ხაზის (ორი - 8 მგვტ-იანი ღუმელის და დამხმარე ინფრასტრუქტურის) მოწყობა-ექსპლუატაცია დაგეგმილია შპს „ჭიათურმანგანუმ ჯორჯიას“ ფეროშენადნობთა საწარმოს არა სანებართვო/გარემოსდაცვითი გადაწყვეტილებით (N 2-552; 17/06/2019) და შესაბამისი გზშ-ის ანგარიშით განსაზღვრულ, არამედ მის მიმდებარე ტერიტორიაზე. მოცემული გარემოების გათვალისწინებით, დაზუსტებას საჭიროებს ფეროშენადნობთა არსებულ და დაგეგმილ საწარმოებს შორის ტექნიკური ან/და ფუნქციური ურთიერთკავშირის, ასევე სკოპინგის ანგარიშის წარმოდგენის საკანონმდებლო საფუძველის (კოდექსის მე-5 მუხლის მე-12 ნაწილი) შესახებ ინფორმაცია, შესაბამისი დასაბუთებით;
- დაგეგმილი საქმიანობის სპეციფიკის მიუხედავად (ფეროშენადნობთა საწარმოს ექსპლუატაციის პირობების ცვლილება), წარმოდგენილ Shp ფაილებში მოცემულია მხოლოდ ახალი ტექნოლოგიური უბნის განთავსების ტერიტორია, რაც საჭიროებს დაზუსტებას. კერძოდ, წარმოდგენილი უნდა იქნეს ერთიანი Shp ფაილები, არსებული და საპროექტო ტექნოლოგიური უბნების გათვალისწინებით;
- ამასთან, სკოპინგის ანგარიშში წარმოდგენილი უნდა იქნეს საწარმოს განახლებული გენერალური გეგმა, ექსპლუატაციის პირობების ცვლილების გათვალისწინებით (შესაბამისი ექსპლიკაციითა და აღნიშვნებით), რომელიც არსებული და საპროექტო საწარმოო ობიექტების, ასევე მათი შემადგენელი ინფრასტრუქტურული ობიექტების აღქმის/გაანალიზების საშუალებას უნდა იძლეოდეს;

- სკოპინგის ანგარიშში დაზუსტებას საჭიროებს კოდექსის მე-8 მუხლის „გ“ ქვეპუნქტით მოთხოვნილი - ინფორმაცია ჩასატარებელი საბაზისო/სამიეზო კვლევებისა და გზმ-ის ანგარიშის მომზადებისთვის საჭირო მეთოდების შესახებ, რომელიც უნდა შეესაბამებოდეს, როგორც ახალი ტექნოლოგიური უზნის/საწარმოს მოწყობა-ექსპლუატაციას, ისე ეგზ-ის გაყვანას. აღნიშნულ ქვეთავში ძირითადად გამოკვეთილია ისეთი ზემოქმედების სახეები და ზემოქმედების შეფასების მეთოდოლოგიები, რომლებიც საწარმოს მოწყობა-ექსპლუატაციასთან იქნება კავშირში;
- სკოპინგის ანგარიშში დაზუსტებას საჭიროებს ასევე კოდექსის მე-8 მუხლის „ე“ ქვეპუნქტით მოთხოვნილი - ინფორმაცია იმ ღონისძიებების შესახებ, რომლებიც გათვალისწინებული იქნება გარემოზე მნიშვნელოვანი უარყოფითი ზემოქმედების თავიდან აცილებისათვის, შემცირებისათვის ან/და შერბილებისათვის. აღნიშნული ინფორმაცია უნდა შეესაბამებოდეს, როგორც ახალი ტექნოლოგიური უზნის/საწარმოს მოწყობა-ექსპლუატაციას, ისე ეგზ-ის გაყვანას. მაგალითად, ეგზ-ის გაყვანის მიუხედავად არ არის განხილული ბიოლოგიურ გარემოზე, მათ შორის ორნითოფაუნაზე მოსალოდნელი ზემოქმედების შემარბილებელი ღონისძიებები;
- სკოპინგის ანგარიშში მოცემული ინფორმაცია კუმულაციური ზემოქმედების შესახებ მოიცავს მხოლოდ კუმულაციური ზემოქმედების განმარტებას და კუმულაციური ზემოქმედების შეფასების მიზნის აღწერას. დაზუსტებას საჭიროებს მოსალოდნელი კუმულაციური ზემოქმედების შეფასების შესახებ ინფორმაცია, როგორც ახალი ტექნოლოგიური უზნის/საწარმოს მოწყობა-ექსპლუატაციის, ისე ეგზ-ის გაყვანის ნაწილში (კუმულაციური ზემოქმედების გამომწვევი, დაგეგმილი საქმიანობების სიახლოვეს, არსებული ან/და საპროექტო ობიექტების მითითებით);
- სკოპინგის ანგარიშში მოცემული ზემოქმედების შეფასება გარემოს სხვადასხვა კომპონენტებზე არ არის სათანადოდ შესრულებული. მოცემულია ზემოქმედების შემაჯამებელი ცხრილები, რომელიც საკმაოდ ზოგადია, ხოლო ზოგიერთ შემთხვევაში არარელევანტურია დაგეგმილ საქმიანობებთან მიმართებაში. მაგალითად ეგზ-ის გაყვანის მიუხედავად არ არის მოცემული ინფორმაცია ფრინველებზე მოსალოდნელი ზემოქმედების შეფასების შესახებ. წარმოდგენილი უნდა იქნეს გარემოზე მოსალოდნელი ზემოქმედების შეფასების შესახებ ინფორმაცია, რომელიც სრულ თანხვედრაში იქნება დაგეგმილ საქმიანობებთან და ინდივიდუალურ საპროექტო მახასიათებლებთან;
- დაზუსტებას საჭიროებს ახალი საწარმოს მოწყობა-ექსპლუატაციისა და ეგზ-ის გაყვანის უმოქმედობის ალტერნატივის შესახებ ინფორმაცია, რომლის დასაბუთება მოცემულია მხოლოდ ეკონომიკურ ჭრილში. მნიშვნელოვანია უმოქმედობის ალტერნატივის შესახებ ინფორმაცია წარმოდგენილი იქნეს სოციალურ-ეკონომიკურ გარემოზე მოსალოდნელი დადებითი და ეკოლოგიურ გარემოზე მოსალოდნელი უარყოფითი ზემოქმედების ურთიერთმეწონის გათვალისწინებით;
- დაზუსტებას საჭიროებს ახალი საწარმოს ადგილის ალტერნატივების შესახებ ინფორმაცია. ვინაიდან პროექტის განხორციელება დაგეგმილია არა არსებულ, არამედ მიმდებარე/ახალ ტერიტორიაზე, სკოპინგის ანგარიშში მოცემული დასაბუთება - *საწარმო განთავსების ალტერნატივის განხილვა არ მომხდარა რადგან ობიექტი აღნიშნულ ტერიტორიაზე ფუნქციონირებს წლების განმავლობაში* - არ შეიძლება ჩაითვალოს გონივრულად/მიზანშეწონილად;
- დაზუსტებას საჭიროებს, ასევე საპროექტო ეგზ-ის ადგილმდებარეობის ალტერნატივების შესახებ ინფორმაცია. კერძოდ: სკოპინგის ანგარიშში მოცემულია მხოლოდ ეგზ-ის ერთი მონაკვეთის ალტერნატივა და არა მთლიანი ხაზის. ამასთან არ არის მითითებული ალტერნატიული ვარიანტებიდან რომელი მონაკვეთი იქნა

შერჩეული და რატომ. სკოპინგის ანგარიშში წარმოდგენილი უნდა იქნეს ინფორმაცია ეგზ-ის მთლიანი მონაკვეთის ადგილმდებარეობის ალტერნატივების და შედარებითი ანალიზის შესახებ, თითოეული ალტერნატიული ვარიანტის დადებითი და უარყოფითი მხარეების მითითებით, შერჩეული ალტერნატივის გარემოსდაცვითი დასაბუთებით;

- სკოპინგის ანგარიშში განხილულია არსებულ საწარმოში წარმოქმნილი წიდის მართვის ღონისძიებები, თუმცა არ არის მოცემული ინფორმაცია ახალი ტექნოლოგიური უბნის ექსპლუატაციისა და გაზრდილი წარმადობის ფონზე მოსალოდნელი წიდის მართვის საკითხების შესახებ, რაც საჭიროებს დაზუსტებას;
- არსებული და დაგეგმილი საქმიანობის (ფეროშენადნობების წარმოების) გათვალისწინებით დაზუსტებას საჭიროებს უსიამოვნო სუნის გავრცელებით მოსალოდნელი ზემოქმედების შეფასების შესახებ ინფორმაცია. ამასთან, ექსპლუატაციის პირობების ცვლილების გათვალისწინებით მოცემული უნდა იყოს საწარმოო ტერიტორიაზე სუნის წარმოქმნილი პოტენციური წყაროების შესახებ ინფორმაცია, იდენტიფიცირებული წყარო(ები)დან სუნის გავრცელების შემარბილებელი ან/და პრევენციული ღონისძიებების შესახებ ინფორმაციის მითითებით;
- სკოპინგის ანგარიშში - 1.1.1. ცხრილში მოცემული ინფორმაცია საქმიანობის განხორციელების შესახებ საჭიროებს დაზუსტებას. კერძოდ, აღნიშნულია, რომ საქმიანობა ეხება მეტალურგიულ წარმოებას, თუმცა წარმოდგენილი დოკუმენტაციის თანახმად მეტალურგიულ წარმოებასთან ერთად დაგეგმილი საქმიანობა ითვალისწინებს ასევე 110 კვ ძაბვის ელექტროგადამცემი ხაზი „ნახშირღელეს“ გაყვანას;
- სკოპინგის ანგარიშში საქმიანობის ზოგადი მიმოხილვისა და სკოპინგის მომზადების საკანონმდებლო საფუძველის ქვეთავები იდენტურია. დასაზუსტებელია ორი იდენტური ქვეთავის სკოპინგის ანგარიშში ასახვის საჭიროება;
- სკოპინგის ანგარიშის მიხედვით - მოსალოდნელია ინვაზიური სახეობების გავრცელება, რაც საჭიროებს დაზუსტებას;
- დაზუსტებას საჭიროებს საპროექტო ელექტროგადამცემი ხაზით მიწისქვეშა ან/და მიწისზედა ობიექტების გადაკვეთის შესახებ ინფორმაცია, გადაკვეთის ტექნიკური გადაწყვეტის მითითებით;
- დაზუსტებას საჭიროებს საპროექტო ეგზ-ის დერეფნის და საყრდენების ტერიტორიების, ასევე აღნიშნულ ტერიტორიებზე არსებული გარემო პირობებისა და ბიომრავალფეროვნების შესახებ ინფორმაცია;
- დაზუსტებას საჭიროებს ახალ საწარმოო უბანზე მოსაწყობი სატრანსფორმატორო ქვესადგურის შესახებ ინფორმაცია, საპროექტო ძაბვის მითითებით;
- დაზუსტებას საჭიროებს პროექტის განხორციელებით, მათ შორის არსებული საწარმოს მიმდებარედ ახალი ტექნოლოგიური უბნის დამატებითა და ეგზ-ის ექსპლუატაციით ხმაურის/ვიბრაციის გავრცელებით მოსალოდნელი ზემოქმედების შეფასების შესახებ ინფორმაცია (მათ შორის კუმულაციურ ჭრილში);
- ექსპლუატაციის პირობების ცვლილების გათვალისწინებით დაზუსტებას საჭიროებს ატმოსფერულ ჰაერში მავნე ნივთიერებათა გაფრქვევის წყაროების შესახებ ინფორმაცია.

სააგენტო სკოპინგის დასკვნის გაცემის მიზნით ადმინისტრაციულ წარმოებას დაიწყებს ზემოაღნიშნული საკითხების/მოთხოვნების გათვალისწინებით განახლებული სკოპინგის ანგარიშის წარმოდგენის შემდეგ. ამასთან, გთხოვთ, უზრუნველყოთ წერილში

მითითებულ საკითხებზე რეაგირების შესახებ ინფორმაციის ცხრილის სახით წარმოდგენა, შესაბამისი გვერდების მითითებით.

თამარ ფიცხელაური

თ. ფიცხელაური

სააგენტოს უფროსი

სსიპ გარემოს ეროვნული სააგენტო

